



Pozivno pismo
za radionicu „Uslužni sektor i CEFTA: Šta predviđa CEFTA Dodatni protokol 6 o trgovini uslugama“
25.10.2021.godine – Vanjskotrgovinska komora BiH i online

Poštovani/a,

zadovoljstvo nam je pozvati vas na radionicu na temu *Uslužni sektor i CEFTA: Šta predviđa CEFTA Dodatni protokol 6 o trgovini uslugama*, koja će se održati:

25.10.2021. godine u Vanjskotrgovinskoj komori BiH i online, putem Zoom platforme.

Zajedničko regionalno tržište, nastalo u okviru Berlinskog procesa i Evropskog ekonomskog i investicionog plana za Zapadni Balkan, ima za cilj da unaprijedi kretanje robe, usluga, ljudi i kapitala. U okviru četvrogodišnjeg akcionog plana koji je usvojen na sastanku lidera regiona u Sofiji prošle godine, jedan od prioriteta jeste ukidanje radnih dozvola za pružaoce usluga i transfere unutar kompanija u regionu. Cilj ove aktivnosti jeste olakšati trgovinu uslugama u regionu i omogućiti bolje investiciono okruženje za domaće i strane kompanije.

Inicijativa za ukidanje radnih dozvola nastala je kao produžetak obaveza koje su CEFTA strane preuzele usvajanjem Dodatnog protokola 6 za trgovinu uslugama. Ove obaveze odnose se na omogućavanje pojedinih kategorija fizičkih lica iz CEFTA strana, koje povremeno borave na teritoriji drugih CEFTA strana iz poslovnih razloga. Dodatni protokol 6 je stupio na snagu 11. januara 2021. godine, nakon što su ga ratifikovale 3 CEFTA strane, među kojima je i Bosna i Hercegovina. Prijedlog odluke za uklanjanje radnih dozvola, dostavljen je CEFTA stranama početkom 2021. godine, nakon čega je obavljeno nekoliko krugova konsultacija, koje su rezultirale u nešto izmjenjenom prijedlogu koji je dostavljen polovinom ove godine. Njegovo usvajanje je jedan od 4 prioriteta za 2021. godinu, te je po izboru koordinатора za Zajedničko regionalno tržište, potvrđen u zvaničnoj izjavi Berlinskog samita održanog 5. jula 2021.godine.

Cilj ove radionice jeste da se pomogne Bosni i Hercegovini u razumijevanju već preuzetih obaveza, kao i potencijalnih obaveza koje bi se preuzele usvajanjem prijedloga Odluke. U interaktivnoj diskusiji sa predstavnikom CEFTA Sekretarijata, ambicija nam je da identifikujemo očekivane probleme, kao i načine kako da se oni preduprije ili riješe.

Radionica se održava u hibridnom formatu, te se događaju može prisustvovati u Velikoj sali (u prizemlju) Vanjskotrgovinske komore BiH prijavom na mail kristina.cosic@komorabih.ba ili putem Zoom platforme, registracijom na [link](#). Registraciju je potrebno izvršiti **najkasnije do četvrtka, 21.10.2021.godine**.

Dnevni red Radionice se nalazi u prilogu ovog Pozivnog pisma.

U nadi Vašeg pozitivnog odgovora unaprijed se zahvaljujemo

Srdačan pozdrav,

PREDSJEDNIK

Ahmet Eglič

